

¡BOMBA!

No hay que ser lector de mente
para confirmar sospecha:
no es que hoy importe la fecha,
sólo que mañana hay puente



K'intsil

Miércoles 30 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2468 · www.lajornadamaya.mx

Maanal 72 mil máak jkíim yéetel jsa'at ti' bejo'ob ti'al u jóok'ol máak tu kaajal: ONU

Afp / p 28
Oochel Ap



Maanal 72 mil kimeno'ob yéetel wiinik saatal documentarta'ab ti' jejeláas bejo'ob tu'ux ku máan táanxel kajil máako'ob -rutas migratorias- ichil tuláakal jóok'ol kaab ti' le ts'ook lajun ja'abo'ob, u ya'abile' ti' noj lu'umo'ob máansik talamil jóok'olal crisis, beey jts'a'ab k'ajóoltbil le martes máanika' tumen u mola'ayil Organización de las Naciones Unidas.

Ts'o'okole' le ja'ab máaniko', xoka'ab xan u ya'abil táanxel kajil máak jkíim tak te'el k'iina', tumen yanchaj kex 8 mil 938 u túul kimeno'ob yanchaj tu bejil táanxel kajil máak, beey a'alab tumen

Organización Internacional para las Migraciones (OIM).

Ti' jump'éel túumben tsoolmeyaje', ONU tu jets'aje' óoli' óox jaats ti' kan jaats tuláakal kiimil yéetel saatalil yanchaj ichil táanxel kajil máako'ob ojéelta'ab yanchaj desde 2014e', j-úuch ka'alikil wiiniko'ob táan ka'ach u púuts'ulo'ob ti' sajbe'entsil, ba'atel, loobilaj yéetel uláak' talamo'ob.

OIME' tu ya'alaj u meyajil Proyecto Migrantes Desaparecidos "tu xokaj yanchaj maanal 72 mil u túul máak kíim yéetel sa'at ti' bejo'ob tu'ux ku

máan migración ichil tuláakal jóok'ol kaab desde u ja'abil 2014".

Le beetik káaj u ya'alale', maanal 52 mil máako'ob jkíim úuchik u ts'áajubáaj k'uchul ti' je'el máakalmáak ti' le 40 noj lu'umo'ob tu'ux jets'a'an tumen ONU je'el ba'axak nu'ukbesajil ti'al u ts'aatáanta'al talamo'ob wa ti'al u ts'aabal áantaj ti' kaaj.

Ts'o'okole' juntúul ichil lalaj kantúul táanxel kajil máak jkíime', ti' u taal ka'ach ti' lu'umo'ob tu'ux ku jach máansa'al talamo'ob, je'el bix le xoka'ab jkíim ichil afganistanilo'ob, rohingaysil, sirioil a'alab jkíim ti' u bejilo'ob táanxel kaajil máak.

Bej maas jach táaj sajbe'entsile', leti'e' Mediterráneo central, tumen te'elo' jsa'at kex 25 mil ich k'áak'náab ti' le ts'ook lajun ja'abo'ob, je'el bix a'alab tumen OIM.

Maanal 12 mil wiinik jkíime', úuch tu jo'olaj luk'uk máak Libia yéetel uláak' ya'abach máak jsa'at úuchik u ts'áakubáaj u k'at u desiertoil Sahara, a'alab te'el tsool meyajó.

Beyxan, maanal 5 mil máak jkíim ti' le ts'ook lajun ja'abo'obo', úuchik u yóotiko'ob jóok'ol Afganistán, ya'abach ti' leti'obe' tu jo'olaj u ch'a'ajolt u muuk'o'ob talibanilo'ob tu ja'abil 2021.